

6 Այլ թագաւորն Վաղէտ նեղէր զքրիստոնէից ժողովուրդն. 2ի, ասէ, որ քրիստոնէայ անուն յիշխանութեան իմում կայցէ, մի՛ գտցի նորա արծաթ եւ ոսկի, զի տայցէ յարքունիս: 7 Եւ սկսան ժողովել ի զաւրաց եւ ի զաւրավարաց եւ ի քաղաքաց քաղաքաց երդմամբ, զի որ զայն անունն ունիցին, մի՛ գտցի ոսկւոյ կամ արծաթոյ զանակ առ ումեք. ապա եթէ առ ումեք գտցի, մեռցի: 8 Ապա ամենայն ոք խնդութեամբ բերէին տային ի դուրս վասն անուանն Քրիստոսի, կամեցեալք խնդութեամբ կրել զպատուհաս: 9 Ապա ստիպել սկսան եւ գործակալքն թագաւորին ժողովել արծաթ եւ ոսկի ի ժողովրդոցն կեսարացւոց քաղաքին. ապա քաջալերել սկսաւ զնոսա երանելին Բարսիլիոս, զի խնդամիտ սրտիւ բերցեն: 10 Սկսաւ ասել ցնոսա այսպէս՝ թէ Բերէք ի ձեռն իմ, ես լինիմ այդմ երաշխաւոր. զի նոյն ինքն Տէր Քրիստոս միածին Որդին Աստուծոյ, վասն որոյ նա խրոխտացեալ է ի մարտս, սատակեսցի ի նմանէն: 11 Այլ դուք վասն Տեառն ձերոյ զյափշտակութիւն ընչից ձերոց խնդութեամբ ընկալարուք. զի ձեզ յերկինս պահի զանձն՝ որ ոչ անցանէ, այլ զի զայս զանձս ես տաց ձեզ դարձուցեալ ձեռն ի ձեռն ի հուպ ժամանակի: 12 Ապա ամենայն ժողովուրդք քաղաքին Կեսարու եկին բերին ի մի վայր ժողովեցին որ մի անգամ ոսկի կամ արծաթ ուրուք գտաւ. լցին զեկեղեցի, եւ ածին զիշխանսն թագաւորին զհաւատարիմս. կնքեցին զդուրս եկեղեցւոյն:

13 Յետ այսորիկ ետ հրամանս թագաւորն Վաղէտ կապել կրկին զեպիսկոպոսապետն Բարսեղ, արկանել ի բանտ ի նեղութիւն. սոյնպէս զամենայն եպիսկոպոսունս ընդ ամենայն քաղաքս: 14 Այլ ամենայն ժողովուրդն յուխտս եւ ի խնդրուածս լինէին վասն բարկութեանն հասելոյ, զի դադարեսցէ, եւ դարձ լիցի ճշմարտիտ հովուացն յիւրաքանչիւր տեղի եւ յիւրաքանչիւր ժողովուրդս:

ԳԼՈՒԽ Ժ.

1 Թէ զհա՛րոյ կոչեաց կայսրն Վաղէտ զսոփեստեսն ի յանդիմանութիւն¹ ընդդէմ ճշմարտութեանն, եւ թէ զհա՛րոյ ետես սոփեստեսն զսքանչելիսն, տեսանելով զբազմութիւն վկայիցն ի ներքս ի վկայարանին. կամ զհա՛րոյ կայսրն Վաղէտ սատակեսցաւ նշանաւքն եղելովք յԱստուծոյ. եւ կամ զհա՛րոյ խաղաղութիւն լինէր եկեղեցեացն Աստուծոյ:

2 Ապա խնդիր հրամայէր ամնել թագաւորն Վաղէտ, զի տեսցեն գտցեն այր մի ճարտար, որ կարող իցէ դնել գրով բանս դիմադարձութեան ընդդէմ հաւատոց քրիստոնէութեան: 3 Եւ պատմեցին նմա, զի էր այր մի սոփեստեսն ճարտար ի քաղաքի միոջ: 4 Ապա առաքեաց կայսրն առ նա մագիստրիալնոսս, զի երթիցեն փութով եւ անգբաղապէս զայրն առ նա ածցեն. եւ առեալ

1 Օրինակ մի՛ ի յանդիման